



REPUBLIKA E KOSOVËS-REPUBLIKA KOSOVA REPUBLIC OF KOSOVO
KËSHILLI I PAVARUR MBIKËQYRËS PËR SHËRBIMIN CIVIL TË KOSOVËS
NEZAVISNI NADZORNI ODBOR CIVILNE SLUŽBE KOSOVA
INDEPENDENT OVERSIGHT BOARD CIVIL SERVICE OF KOSOVO



Pranuar / Dorezuar Priljeno / Prodato Received / Delivered	13.12.2022	3 viti god year	
Organ / Njesia Org / Jedinica Org / Unit	Nr Prot Br Prot Prot No	Shtojca Prilog Appendix	Sasia Kolicika Quantity
SKANSICK	7452	2023	1/7



Republika e Kosovës Republika Kosova - Republic of Kosovo

KËSHILLI I PAVARUR MBIKËQYRËS PËR SHËRBIMIN CIVIL TË KOSOVËS
NEZAVISNI NADZORNI ODBOR CIVILNE SLUŽBE KOSOVA
INDEPENDENT OVERSIGHT BOARD FOR THE CIVIL SERVICE OF KOSOVO

A.nr.1274/2023

Këshilli i Pavarur Mbikëqyrës për Shërbimin Civil të Kosovës- Kolegji për Shqyrtimin dhe Vendosjen e Ankesave i përbërë nga: Eshref Shabani-kryetar, Jeton Koca dhe Ardita Haxhnikaj-Demi-anëtarë, me Çlirim Zeka-Zyrtar i Lartë për Bashkëpunim Profesional, në cilësinë e procesmbajtësit, ka shqyrtuar ankesën me numër A.nr.1274/2023 të datës 11.10.2023 të parashtruar nga ankuesi

kundër Departamentit për Menaxhimin e Zyrtarëve Publikë në Ministrinë e Punëve të Brendshme, në çështjen juridike "kontestim konkursi", duke vepruar në pajtim me nenin 6 paragrafin 1 nën paragrafin 1.1 dhe nenin 18 paragrafin 1 nën paragrafin dhe 1.2 dhe 1.6 të Ligjit Nr. 06/L-048 për Këshillin e Pavarur Mbikëqyrës për Shërbimin Civil të Kosovës, dhe Rregulloren Nr.02/2018 për Procedurën e Shqyrtimit dhe Vendosjes së Ankesave në Këshillin e Pavarur Mbikëqyrës për Shërbimin Civil të Kosovës, në seancën për këshillim dhe votim, me datë 12.12.2023, mori këtë:

V E N D I M

I. Aprovohet si e bazuar ankesa me numër A.nr.1274/2023 e datës 11.10.2023 e parashtruar nga ankuesi

II. Anulohet Vendimi me Nr. 1559 i datës 28.09.2023 i Komisionit të Pranimit në Institucionet e Administratës Shtetërore, Raporti i datës 11.09.2023 për Renditjes përfundimtare të kandidatëve dhe Njoftimi i datës 12.09.2023 për kandidatëve të suksesshëm dhe të gjitha veprimet juridike-procedurale të ndërmarra nga faza e verifikimit paraprak deri në rezultatet përfundimtare, ndërsa lënda kthehet në *ri-shqyrtim* dhe *ri-vendosje* në Departamentin për Menaxhimin e Zyrtarëve Publik të Ministrisë së Punëve të Brendshme

III. Obligohet Departamenti për Menaxhimin e Zyrtarëve Publik i Ministrisë së Punëve të Brendshme, të ndërmarr veprimet e nevojshme në afatin prej pesëmbëdhjetë (15) ditësh, nga dita e pranimit të këtij vendimi, duke e zhvilluar procedurën e pranimit për grupin "Specialist i Arsimit për pozitën Inspektor i Arsimit në SIA-Mitrovicë-tri (3) pozita", nga faza e verifikimit paraprak.

IV. Këshilli i Pavarur Mbikëqyrës për Shërbimin Civil të Kosovës, duhet të njoftohet me shkrim për veprimet e ndërmarra.

A r s y e t i m

Ministria e Punëve të Brendshme më datë 05.05.2023 ka njoftuar për shpalljen e konkursit me Nr. Reference: RN00011610 për grupin *Specialit i Arsimit për pozitën Inspektor i Arsimit në SIA-Mitrovicë*, tri pozita, ku afati për aplikim ka qenë nga data 26.05.2023 deri më datë 05.06.2023.

Në këtë konkurs ka aplikuar edhe ankuesit, ndërsa pas përfundimit të procedurës sipas renditjes përfundimtare të kandidatëve të datës 11.09.2023, rezulton se kandidati A.N nga të gjitha fazat është vlerësuar me gjithsej 69.4 pikë, nga rezulton se nuk janë në mesin e katër (4) kandidatëve me më së shumti pikë, rrjedhimisht rezulton se i njëjti nuk është kandidatë i suksesshëm.

Ankuesi i pakënaqur me procedurën e vlerësimit, ka parashtruar ankesë pranë Departamentit për Menaxhimin e Zyrtarëve Publikë në Ministrinë e Punëve të Brendshme, ndërsa Komisioni i Pranimit për Institucionet e Administratës Shtetërore për grupin Specialit i Arsimit përmes Vendimit me Nr.1559 të datës 28.09.2023 ka refuzuar ankesën e ankuesit, ndërsa ankuesi ndaj të njëjti vendim me datë 11.10.2023 parashtruar ankesë në Këshillin e Pavarur Mbikëqyrës për Shërbimin Civil të Kosovës, me pretendimet ankimore për shkelje të dispozitave ligjore gjatë procedurës së rekrutimit.

Sipas Kërkesës së Kryetarit të Kolegjit, me datë 24.11.2023 Kryetari i Këshillit ka nxjerrë vendimin VK/2023 përmes të cilit ankesës së ankuesit A.nr.1274/2023 ia ka vazhduar afatin e vendimmarrjes edhe për dhjetë (10) ditë pune.

Kolegji për Shqyrtimin dhe Vendosjen e Ankesave, për shqyrtimin e kësaj lënde ka administruar këto prova: Ankesën me numër protokolli 1274/2023 të datës 11.10.2023 e parashtruar nga ankuesi në Këshillin e Pavarur Mbikëqyrës të Shërbimit Civil të Kosovës; Vendimin e datës 24.11.2023 me numër protokolli:7091/2023; Konkursin e datës 05.05.2023 me numër referencë: RN00011610; Njoftimin e datës 12.09.2023; Ankesën e ankuesit të parashtruar në DMZP me datë 14.09.2023; Vendimin e DMZP-së të datës 28.09.2023; Vendimin e DMZP-së të datës 20.06.2023; Vendimin e DMZP-së të datës 22.09.2023; Njoftimin e datës 19.07.2023; kërkesën për përgjigje në ankesë; Përgjigjen e datës 01.12.2023 me shkresat e lëndës; Formularin e vlerësimit për kandidaten Sh.K; Formularin e vlerësimit për kandidatin A.F; Formularin e vlerësimit për kandidaten Z.K; Formularin e vlerësimit për kandidatin I.B; Formularin e vlerësimit për ankuesin; Aplikacionin e kandidatës Z.K me dokumentacionin e bashkangjitur; Aplikacionin e kandidatit I.S me dokumentacionin e bashkangjitur; Aplikacionin e kandidatës Sh.B me dokumentacionin e bashkangjitur; Aplikacionin e kandidatës A.F me dokumentacionin e bashkangjitur; Shkresën e datës 18.10.2023; Vendimin për vlerësimin përfundimtare të datës 11.09.2023; raportin e renditjes përfundimtare iu datës 11.09.2023; Njoftimin e datës 10.07.2023; Listën e aplikacioneve të pranuar dhe listën e ngushtë; Aplikacionin e ankuesit me dokumentacionin e pranuar.

Kolegji për Shqyrtimin dhe Vendosjen e Ankesave, pas shqyrtimit të gjitha shkresave të lëndës të parashtruara nga palët në procedurë, ka konstatuar se lënda ku ankuesi është palë në procedurë, duhet të kthehet në *ri-shqyrtim* dhe *rivendosje* tek organi i njëjtë, *sepse*:

Nga administrimi i shkresave të lëndës, Kolegji i Këshillit, ka konstatuar se në konkursin me numër të referencës: RN00011610 për grupin "*Specialistë të Arsimit*", klasa e pozitës Profesional 1, pozita e punës "*Inspektor i Arsimit në SIA-Mitrovicë*", kërkesat e përgjithshme formale kanë qenë:

- *Arsimimi i kërkuar: Diplomë/a e arsimit të lartë me së paku 3 vite të studimeve në fusha: Arsim i Lartë i paspecifikuar;*
- *Licencë e mësimdhënësit të kualifikuar në përputhje me nenin 34 të Ligjit Nr. 04/L-032 për Arsimin Parauniversitar në Republikën e Kosovës;*
- *Përvoja e punës: Se paku dy (2) vite përvojë pune profesionale në fushën për të cilën zhvillohet procedura për plotësimin e pozitë së lirë të punës me theks të veçantë përvojë pune në mësimdhënie.*

Kolegji i Këshillit, me qëllim të verifikimit të ligjshmërisë së shpalljes së konkursit ka analizuar dispozitat e Rregulloren (QRK) Nr.10/2022 për Klasifikimin e Vendeve të Punës në Shërbimin Civil ndërlidhur me Shtojca Nr.1/6: Përshkrimi i përgjithshëm i punës për klasën Profesional 1, kërkesat e përgjithshme formale janë të përcaktuara si në vijim: *a) Arsimimi i kërkuar: Diplomë/a e arsimit të lartë me së paku 3 vite të studimeve. Diplomë e nivelit të pestë të KKK, për profesione deficitare (TIK); b) Kualifikime të posaçme formale: Certifikata, licenca kur kërkohen me legjislacionin në fuqi apo kur vlerësohet se janë të nevojshme për pozitat e kësaj klase. c) Përvoja e punës e kërkuar: Së paku dy (2) vite përvojë pune profesionale në fushën për të cilën zhvillohet procedura për plotësimin e pozitës së lirë të punës, dhe ka ardhur në përfundimin se konkursi i kontestuar nga ankuesi, në parim shpallja dhe kriteret e përcaktuara të tij kanë qenë në pajtueshmëri me dispozitat e aplikuar të ligjit material të ndërlidhura edhe me nenin 34 të Ligjit Nr. 04/L-032 për Arsimin Parauniversitar në Republikën e Kosovës.*

Ndërlidhur me plotësimin të kërkesave të përgjithshme formale të konkursit nga kandidatët në procedurë, Kolegji i Këshillit konstaton se përveç kërkesave për përgatitje profesionale dhe përvojën e punës si kërkesë e përgjithshme formale, lidhur me kriterin që kandidatët duhet të posedojnë *Licencë e mësimdhënësit të kualifikuar në përputhje me nenin 34 të Ligjit Nr. 04/L-032 për Arsimin Parauniversitar në Republikën e Kosovës*, Kolegji i Këshillit, vlerëson se licenca duhet të jetë valide apo e vlefshme me rastin e aplikimit respektivisht përzgjedhjes.

Kolegji i Këshillit ka konstatuar se pas zhvillimit të procedurës së rekrutimit, sipas Njoftimit të datës 12.09.2023 të Komisionit të Pranimit për Institucionet e Administratës Shtetërore, për grupin Specialistë të Arsimit-Inspektor i Arsimit në SIA-Mitrovicë, janë bërë publikë rezultatet e kandidatëve të suksesshëm në këtë procedurë të rekrutimit, si në vijim: Sh. B me gjithsejtë 86.8 pikë, A. F. me gjithsejtë 79.6 pikë, Z. K. me gjithsejtë 73.6 dhe I. B me 71.4 pikë.

Me qëllim të shqyrtimit të pretendimeve ankimore të ankuesit dhe verifikimit nëse kandidatët e suksesshëm i kanë plotësuar kriteret e përcaktuara të konkursit ka analizuar dosjen e kandidates së suksesshme Sh. B dhe ka gjetur se e njëjta posedon Diplomën me Nr. 545 të datës 12.09.2005 të lëshuar nga Universiteti i Prishtinës përmes të cilës dëshmohet se ka përfunduar më datë 27.05.2005 studimet themelore në Fakultetin e Shkencave Matematike Natyrore duke marr titullin Profesor i Kimisë, sa i përket përvojës së punës rezulton se sipas dëshmive ka përvojën e punës në mësimdhënie, posedon Licencën e Mësimdhënësit me Nr.100008783 të lëshuar më datë 26.12.2012 me vlefshmëri deri më datë 26.12.2017.

Kandidati tjetër i suksesshëm A.F, posedon Diplomën Nr.1796 të datës 15.07.2014 të lëshuar nga Universiteti i Prishtinës përmes të cilës dëshmohet se ka përfunduar më datë 27.05.2005 studimet themelore në Fakultetin e Edukimit duke marr titullin Bachelor i Gjeografisë Edukatë Qytetare dhe po ashtu posedon Diplomë me Nr.247 të datës 09.03.2018 të lëshuar nga Universiteti i Prishtinës përmes të cilës dëshmohet se ka përfunduar më datë 06.03.2023 studimet Master në Fakultetin e Edukimit duke marr titullin Master i Edukimit-Udhëheqja në Arsim, sa i përket përvojës së punës rezulton se sipas dëshmive ka përvojën e punës në mësimdhënie ndërsa nga shkresat e lëndës rezulton se i njëjti nuk posedon Licencën e Mësimdhënësit.

Kandidatja tjetër e suksesshme Z. K, posedon Diplomën Nr.75 të datës 05.10.2005 të lëshuar nga Universiteti i Prishtinës përmes të cilës dëshmohet se ka përfunduar më datë 15.06.2005 studimet themelore në Fakultetin e Mësuesisë duke marr titullin Profesor i Mësimi Klasor dhe po ashtu posedon Diplomën e datës 27.05.2016 të lëshuar nga Universiteti i Prishtinës përmes të cilës dëshmohet se ka përfunduar më datë 20.12.2013 studimet Master në Fakultetin e Edukimit duke marr titullin Master i Edukimit-Udhëheqja në Arsim, sa i përket përvojës së punës sipas dëshmive rezulton se ka përvojën e punës në mësimdhënie, dhe posedon Licencën e Mësimdhënësit me Nr.100004151 të lëshuar më datë 03.12.2012 me vlefshmëri deri më datë 03.12.2017, kurse përmes Vendimit të datës 26.02.2019 me numër Reference:10/02 të Inspektoratit të Arsimit/MASHT, të njëjtës licencë i është vazhduar afati dhe atë nga data 26.02.2019 deri me datë 25.02.2024.

Kandidati tjetër i suksesshëm I.B posedon Diplomën Nr.1413 të datës 10.09.2008 të lëshuar nga Universiteti i Prishtinës përmes të cilës dëshmohet se ka përfunduar më datë 16.02.2004 studimet themelore në Fakultetin e Filologjisë duke marr titullin Profesor, dhe po ashtu posedon Diplomën me Nr.047/18 të lëshuar nga Kolegji Globus përmes të cilës dëshmohet se ka përfunduar më datë 05.10.2018 studimet Master dhe ka marr gradën Master i Arteve në Menaxhment i Institucioneve në Edukim, sa i përket përvojës së punës sipas dëshmive rezulton se ka përvojën e punës në fushën e arsimit, posedon Licencën e Mësimdhënësit me Nr.100004077 të lëshuar më datë 03.12.2012 me vlefshmëri deri më datë 03.12.2017.

Po ashtu, ankuesi posedon Diplomën Nr.1197 të datës 08.04.2010 të lëshuar nga Universiteti i Prishtinës përmes të cilës dëshmohet se ka përfunduar më datë 18.02.2010 studimet themelore në Fakultetin e Filozofik duke marr titullin Bachelor i Historisë, dhe po ashtu posedon Diplomën e datës 23.02.2015 të lëshuar nga Universiteti i Prishtinës përmes të cilës dëshmohet se ka përfunduar më datë 03.02.2015 studimet Master në Fakultetin Filozofik dhe ka marr gradën Master i Historisë, sa i përket përvojës së punës sipas dëshmive rezulton

se ka përvojën e punës në fushën e arsimit, posedon Licencën e Mësimdhënësit me Nr.1028405 të lëshuar më datë 12.10.2020 me vlefshmëri deri më datë 12.10.2025.

Nga se i tha si më lartë, Kolegji i Këshillit konstaton se sipas konkursit të shpallur të datës 05.05.2023 me shifër reference RN00011610 afati për aplikimi ka qenë nga data 26.05.2023 deri me datë 05.06.2023 nga rrjedh se ndërmjet kësaj periudhe kanë aplikuar edhe kandidatet në këtë procedurë, e si rrjedhojë me rastin e aplikimit dy prej kandidatëve të suksesshëm, respektivisht kandidatja Sh. B e ka pasur Licencën e mësimdhënësit të pavlefshme me rastin e aplikimit, po ashtu kandidati tjetër I.B e ka pasur Licencën e mësimdhënësit të pavlefshme me rastin e aplikimit, kurse të paktën nga shkresat e lëndës të afruara nga Departamenti për Menaxhimin e Zyrtarëve Publik rezulton se kandidati A.F nuk posedon Licencë të mësimdhënësit.

Tutje, Ministria e Arsimit, Shkencës, Teknologjisë dhe Inovacionit konkretisht Ministria e kësaj ministrie më datë 16.06.2023 ka nxjerr Udhëzimin Administrativ (MASHTI) Nr.14/2023 për Sistemimin e Licencimit dhe Karrierën në Mësimdhënie, ku në nenin 13 paragrafi 6 është përcaktuar se: *"Licencat e karrierës së mësimdhënësve të lëshuara gjatë viteve 2012-2022, vazhdojnë për 5 vite. Këto licenca mbeten të vlefshme deri në realizimin e procesit të brendshëm të VPM-së"*, me nenin 14 të këtij udhëzimi është shfuqizuar Udhëzimi Administrativ 05/2017, ndërsa sipas nenit 15 të këtij udhëzimi, është përcaktuar se: *"Ky Udhëzim administrativ hyn në fuqi shtatë (7) ditë pas publikimit në Gazetën zyrtare të Republikës së Kosovës"*, si rrjedhojë Kolegji i Këshillit, me qëllim të sqarimit të rrethanës juridike lidhur me vlerësimin e licencave të mësimdhënësve që ju ka skaduar afati e të cilët janë përfshirë në fazat e mëtejshme të rekrutimit, kemi kërkuar informata zyrtar nga Departamenti për Menaxhimin e Zyrtarëve Publikë se mbi bazë të cilit dokument janë vlerësuar këto licenca, ndërsa Departamenti për Menaxhimin e Zyrtarëve Publikë më datë 05.12.2023 njofton se: *Lidhur me pyetjen tuaj se si kemi bërë vlerësimin e licencave të mësimdhënësve të cilëve ju ka skaduar afati, a ka ndonjë dokument nga Ministria e Arsimit, Shkencës, Teknologjisë dhe Inovacionit si ministri përgjegjëse për lëshimin e licencave lidhur me këtë çështje, ju informojmë se Departamenti për Menaxhimin Zyrtarëve Publik, duke u bazuar në paragrafin 6 të nenit 13 të Udhëzimit Administrativ të MASHT-it me nr. 14/2023, për sistemimin e licencave dhe karrierës i cili përcakton: "Licencat e karrierës së mësimdhënësve të lëshuara nga vitet 2012-2022, vazhdojnë për 5 vite. Këto licenca mbeten të vlefshme deri në realizimin e procesit të brendshëm të VPM". Andaj Departamenti për Menaxhimin e Zyrtarëve Publik ka pranuar të gjitha licencat e mësimdhënësve gjatë verifikimit.*

Duke marr parasysh këtë rrethanë, më datë 17.11.2023 kemi kërkuar nga përfaqësuesit e Gazetës Zyrtare të Republikës së Kosovës informatën nëse Udhëzimi Administrativ (MASHTI) Nr.14/2023 për Sistemimin e Licencimit dhe Karrierën në Mësimdhënie është publikuar në Gazetën Zyrtare të Republikës së Kosovës, mirëpo të njëjtën ditë kemi pranuar informatën zyrtare se *"Udhëzimi Administrativ në fjale nuk gjendet i publikuar në ëb portalin e Gazetës Zyrtare, gjithashtu të gjitha aktet të cilat vijnë për publikim në portalin e Gazetës Zyrtare zakonisht publikohen brenda ditës"*, andaj nga vlerësimi i dosjeve të kandidatëve dhe konstatimeve të dhëna si më lartë në arsyetimin e këtij vendimi, Kolegji i Këshillit konstaton se nga informata e dhënë nga zyrtarët e Gazetës Zyrtare të Republikës së Kosovës, Kolegji i Këshillit arrin në përfundimin se ky udhëzim meqenëse nuk është

publikuar në Gazetën Zyrtare të Republikës së Kosovës dhe si rrjedhojë nuk është në fuqi dhe i njëjti nuk ka mundur të prodhojë efekte juridike.

Prandaj, duke marr për bazë dispozitat e nenit 15 paragrafi 1, 2 dhe 3 të Rregullosës Nr.16/2020 Për Pranimin dhe Karrierën në Shërbimin Civil të Republikës së Kosovës përcaktohet se: "Verifikimi paraprak është procesi i verifikimit nëse kandidati plotëson kushtet për aplikim. 2.Verifikimi paraprak kryhet nga Njësia Përgjegjëse, në bazë të dokumenteve të paraqitura si pjesë e aplikimit dhe verifikimeve të tjera sipas detyrës zyrtare që ndërlidhen me verifikimin paraprak. 3.Në përfundim të verifikimit paraprak, Njësia Përgjegjëse përcakton kandidatët që plotësojnë kushtet për aplikim. Vetëm kandidatët që plotësojnë kushtet për aplikim kanë të drejtë të vazhdojnë më tej konkurrimin në fazën e mëtejshme, e cila njihet si lista e ngushtë" Kolegji i Këshillit ka konstatuar se Departamenti për menaxhimin e Zyrtarëve Publik, me rastin e përfshirjes së kandidatëve Sh.B dhe I.B në listën e ngushtë të cilëve iu ka munguar vlefshmëria e licencave të mësimdhënësit apo përfshirja në listën e ngushtë të kandidatit A.F të cilit i ka munguar licenca e mësimdhënësit, ka vepruar në kundërshtim me parimet e përgjithshme të pranimit të përcaktuara me nenin 6 të Ligjit Nr.06/L-114 për Zyrtarët Publik, si rrjedhojë procedura e rekrutimit që nga faza e verifikimit paraprak e tutje është zhvilluar në kundërshtim me dispozitat e lartcekura të ligjit material dhe 15 paragrafi 1, 2 dhe 3 të Rregullosës Nr.16/2020 Për Pranimin dhe Karrierën në Shërbimin Civil të Republikës së Kosovës.

Nisur nga konstatimet e dhëna si më lartë dhe nga vlerësimi i provave të lëndës, Kolegji i Këshillit, konstaton se akti i goditur nga ankuesi në Këshill, gjegjësisht Vendimi me Nr. 1559 i datës 28.09.2023 i Komisionit të Pranimit në Institucionet e Administratës Shtetërore për grupin Specialist i Arsimit, janë nxjerr në kundërshtim me dispozitat Ligjit Nr. 06/L-114 për Zyrtarët Publikë dhe Rregullosës (QRK) Nr.16/2020 për Pranimin dhe Karrierën në Shërbimin Civil të Republikës së Kosovës, dhe deponitave të nenit 48 të Ligjit Nr. 05/L-031 për procedurën e Përgjithshme Administrative, ngase nuk ka vërtetuar drejtë gjendja faktike mbi bazën e provave materiale, andaj ky vendim është i paligjshme ne kuptim të nënti 52 paragrafi 1 nën paragrafi 1.3, 1.5 dhe 1.6 të Ligjit Nr. 05/L-031 për procedurën e Përgjithshme Administrative.

Andaj, Kolegji i Këshillit, konstaton se pranimin në shërbimin civil sipas konkursit Numër Reference: RN00011610 për grupin Specialistë të Arsimit-Inspektor i Arsimit në SIA-Mitrovicë, nga faza e verifikimit paraprak e tutje është zhvilluar në kundërshtim me parimet për pranin në shërbimin civil, siç parashihet me nenin 6 të Ligjit Nr. 06/L-114 për Zyrtarët Publikë dhe nenit 4 paragrafi 1 dhe 2 të Rregullosës (QRK) Nr.16/2020 për Pranimin dhe Karrierën në Shërbimin Civil të Republikës së Kosovës, i cili përcakton se: "1. Pranimi dhe avancimi në karrierë në shërbimin civil bazohet në parimet e mundësive të barabarta, mosdiskriminimit dhe përfaqësimit të drejtë e proporcional gjinor dhe të pjesëtarëve të komuniteteve jo shumicë. 2. Nëpunësit civil pranohen dhe avancohen në karrierë në bazë të meritës të vlerësuar në bazë të një procedure konkurruese dhe transparente, të përcaktuara në bazë të Ligjit dhe akteve përkatëse nënligjore", kështu që si rezultat i shkeljeve të evidentuara, Kolegji i Këshillit ka marr vendim sikurse në dispozitivin e këtij vendimi, që lëndën ka ktheje në rishqyrtim dhe rivendosje në fazën e verifikimit paraprak, duke anuluar njoftimin e datës 10.07.2023 dhe 19.07.2023 të listës së ngushtë, duke anuluar Raportin e renditjes përfundimtare të

kandidatëve i datës 11.09.2023 dhe Njoftimin e datës 12.09.2023 të kandidatëve të suksesshëm.

Andaj, pas analizimit dhe vlerësimit të të gjitha shkresave të lëndës si dhe duke u bazuar nën 6 paragrafi 1, nën paragrafi 1.1 si dhe nën 18 paragrafi 1 nën paragrafi 1.2 dhe 1.6 të Ligjit Nr.06/L-048 për Këshillin e Pavarur Mbikëqyrës për Shërbimin Civil të Kosovës, Kolegji i Këshillit vendosi si në dispozitiv të këtij Vendimi.

Vendimi hyn në fuqi në ditën e nënshkrimit nga Kryetari i Kolegjit.

Këshillë juridike: Kundër vendimit të Këshillit, pala e pakënaqur e cila pretendon se vendimi i Këshillit nuk është i ligjshëm mund të iniciojë konflikt administrativ në Gjykatën Themelore në Prishtinë-Departamenti për Çështje Administrative, brenda afatit prej tridhjetë (30) ditësh, nga dita në të cilën i është dorëzuar vendimi. Inicimi i konfliktit administrativ nuk e ndalon ekzekutimin e këtij vendimi.

KËSHILLI I PAVARUR MBIKËQYRËS PËR SHËRBIMIN CIVIL TË KOSOVËS

Lënda, A.nr.1274/2023

Çlirim ZEKA

Zyrtar i Lartë për Bashkëpunim Profesional



Vendimi i dërgohet:

- Ankuesit,
- Departamentit për Menaxhimin e Zyrtarëve Publikë në Ministrinë e Punëve të Brendshme;
- Sekretares së Përgjithshëm të Ministrisë së Punëve të Brendshme; dhe
- Arkivit të KPMSHCK-së.